

Ikajuttigedluta SanginiKatsiavugut.

Ikajuttigedluta SanginiKatsiavugut

PITJUTAUJUIT

Taimangasuanit Allatausimajut Nunatsualimâmi Sagvatausimajuit

1885 Canada sivullipâmik nunatsualimâmi sagvatausimajuit (Banff) sakKititavuk

1885-mi, federal kavamanga sakKititsilaukKuk 26 km² sanipvatausimajuni nunani saniani Banff onattumik puilajuni akinnami Sulphur KakKanginni. Onattuit puilajuit paigijaulittut inulimât Kanuttogusingititut ammalu 'aullaigatsaugunnaituk', namminiuttaulutillonet ubvalu tigujauulluni'.

1911 Aulatsijet Sagvatausimajunik SuliaKapvinga – Nunatsualimâmi sivullipâk sagvatausimajuit

1911-mi, Aulatsijingit *Napâttuligijini Sagvatausimajunillu Maligatsak* ilijausimavuk aulatsijinut sagvatausimajunik atâni aulatsijingata nunatsuami sivullipâmik sagvatausimajunik suliaKapvik, Kaujimajaujuk unuttuni Kângisimalittuni jârini Aulatsijet Sagvatausimajunik SuliaKapvinga, Nunatsualimâmi Sagvatausimajunik SuliaKapvinga, Sagvatausimajunik kamajet Canadami, Canadamiut Sagvatausimajunik kamajet ammalu mânnaulittuk Sagvatausimajunik kamajet Canadami. Taitsumanitsainak jârimi, James B. Harkin sivullipausimavuk aulatsijiudluni Aulatsivingani Sagvatausimajunik Nunanik.

1930 Canadami sivullipâk Nunatsualimâmi Sagvatausimajuit Maligatsanga

Nunatsualimâmi Sagvatausimajuit Maligatsanga 1930-mi uKasimavut nutânik sagvaigunnangitut pijagettausimajuni ubvalu asiangutitsilutik killinginni sakKijâgettuni sagvatausimajuni kisiani Maligatsanganut Canadaup kavamangata. UjaganniagiaKangitut Kaujisallutik ammalu pivalliagunnangitut ammalu kisiani Katsigalânnik Kausittunik Kijuttasot sagvatausimajuni atuttaugatsanik sagvatausimajuni.

- 1964 Sivullipâk iluingaijuk uKausik nunatsualimâmi sagvatausimajuni maligatsak sâmottauvuk Canadaup kavamangata Illusuangani**
1964-mi maligatsak sakKititaulaukKuk piulimatsigiamut sunanik sakKijâgettunik sagvatausimajuni nunani 'atuttauluammata ammalu pimmagiummat'.
- 1970 Sivullipâk Sagvatausimajuni Nunani Piusitsaujuut Pannaitauvuk kajusittitaulutik (Ilvani ilusituKaujuni avittusimajuni)**
1970-mi, Sagvatausimajunik kamajet Canadami kajusititsilaukKut maligatsanik ilusituKaujuni avittusimajunik piusitsanginnik pannaigiamut maligatsanik sagvatausimajuni angilititsigiamut pivallianiujuuni. kavamanga tugâgutiKadluni kiggatugiamik piusiujutigut, nunamiutanik ammalu siagunit atuttauKattajunik atunit 39 ilusingitut avittusimajuni ilvani nunatsualimâmi sagvatausimajuit piusinginni.
- 1997 Canada Atitâgivuk Nunatsuami Ilusinut katimaninginni; Nahanni Nunatsualimâmi Sagvataumajunik aittuimat Sivullipâmik Ilusingititut Nunatsuami Ilusinut Initsanginni UNESCO-kuni**
- 1979 Kimiggutaumajuk Nunatsualimâmi Sagvatausimajuit Maligatsanga sakKititauvuk nunami sulijumik malittaugialik**
1979-mi, Kimiggutausimajuk Nunatsualimâmi Sagvatausimajuit Maligatsanga sakKititauvuk kamagijaukKulugit nunami sulijumik nunatsualimâmi sagvatausimajuit pigiaKammata atugiamik.
- 1984 Ivavik Nunatsualimâmi Sagvatausimajuk: sivullipâk nunatsualimâmi sagvatausimajuk sakKititauvuk atâni nunamik satusaijet angikAtigegutingani**
- 1988 ÂkKigiattaavut *Nunatsualimâmi Sagvatausimajuit Maligatsanga* sulijugijaukKulugit nunani sulinitsanginni**
- 1991 Sâmottauvut sivullipâmik Piusiugumajut Sagvatausimajuni Kaujitsiutik Canadaup kavamanganut**
- 1993 Gwaii Haanas AngiKatigegutinga sakKititauvuk maligatsangit aulatsiKatigegiamut angikAtigegutik akungani federal kavamangani ammalu Haida Allanut**
- 1996 Banff-Bow Valley Kaujisattauninga**
Banff Bow Valley Kaujisattauninga (pijagettausimajuk 1994-mi, Kaujitsiutik 1996-mi) sakKititsisimavuk apitsotaujunik inuit

atugunnamangâta Banff Nunatsualimâmi Sagvatausimajuni Canadami tukisinatsiatillugit ammalu sakKititsilutik nunanik sulinitsanginni sivullipautillugit. Kaujisanninginni Banff-imi, sakKititsisimavut malittaugialinnik ilonnâni nunatsualimâmi sagvatausimajuit piusinginnik.

1998 NukKatitauvuk uKautaudlutik aullaigatsatagiamik pivallianitsangit silatinginni sagvatausimajuni nunalinni iluani nunatsualimâmi sagvatausimajuni nunani

1998 Sagvatausimajunik kamajet Canadami aulatsijiuliaKivuk uKautautillugu *Sagvatausimajunik Nunanik Canadami Maligatsanga.*

1999 Pingasut Ukiuttatumi sagvatausimajuit nunait sakKititauvut sivullipâmik Inuit Attutaunitsanginnut ammalu Ikajuttaugutitsangita AngiKatigegutinga atâni Nunavut Nunamik Satusaijet AngiKatigegutingani

2000 katimejt Nunait Sulijumik kamagijaunitsangit Canadami Nunatsualimâmi Sagvatausimajuni Kaujitsiutik
katimajet Nunanik Sulijumik kamanitsangit Canadami Nunatsualimâmi Sagvatausimajunik (pijagettauvuk 1998-mi, Kaujitsiutik Merz 23, 2000-mi) Kimiggutaudluni Sagvatausimajunik Nunanik Canadami kamajinginnut kamaluagiaKadlutik sagvatausimajunik suliatsanik asikKitailigiamut ammalu piusingititut nunait ilijauKattalutik sivullipautillugit. katimajet pijagevut 'nunait sivullipautillugit Canadami nunatsualimâmi sagvatausimajunik atâni kappianattutigut unuttuni ammalu sunait pitjutautillugit'. Una Kaujitsiutik katimajinit angijummagimmik atitâttausimajuk AngajukKânganut ammalu asingit tamâni aulatsijet kamagiaKatillugit pannaitausimajunik.

2001 Canadami Sagvatausimajuit Nunanut Maligatsanga uKautauvuk Fevruar 19, 2001-mi

Canadami Sagvatausimajuit Nunait Maligatsanga uKajuk 'kamagijaugiaKavut ubvalu asitâKattalugit nunait sulijumik, paitsinikkut nunami pivianattunik ammalu nunait ilusingititut, sivullipautijaunginnagialet AngajukKânut isumagijaulippata ilonnatik isumagijaujuut aulatsigiamut sagvatausimajunik.'

Nutâk Maligatsak ilumiutaKavuk **nutânik piusitsanik sagvatausimajuit aulataunitsanginnut pannaigutini kamagillugit nunangit sulijumik.**

Sagvatausimajuit Canadami Maligatsangit Aulatsinimmut Pannaigiamut Kimiggutausimavut ilijaunitsanginnut sivullimik El ammalu aulatsigiamut pannaitaujuit atuinnaguttitaullimmijut malillugit.

Nutâk Maligatsak pigunnatitsivuk **maligatsatigut uKasongulluni nunatsuami nunanik** sagvatausimajuni nunani ilonnâni piusiuajuni. Nunatsuami nunait Banff, Jasper-imi, Yoho ammalu Kootenay nunatsualimâmi sagvatausimajuni uKautauingit.

Nutâk Maligatsak **ikillititsisimavuk aullaigatsatagiamut pivallianitsanik sagvatausimajuni nunani nunalinni.** killingit ilonnaini nunalinni sagvatausimajuni nunani âkKitaulâkKuk ammalu aullaigatsatagiamut pivallianimmik ikillititausimalâkKut nunaliujuni.

Sepait nutât sagvatausimajuit nunait ammalu atautsik sagvatausimajuk sakKititausimavut kamadlutik nutânik Maligatsanik. Tallimait nutât sagvatausimajuit nunait sakKititausimavut angiKatigenningitigut nunaKakKâsimajuit inuit.

2002 kavamanga Canadaup uKasimajuk Piusitsanik Pannainikkut Paitsigiamut Canadami Nunaujunik ammalu kenaujanik Pitsatunittâgiangit Pannaitaujuit

kavamak uKasimajuk angilittaugasimajuit sagvatausimajuit nunait ammalu nunatsualimâmi imappini asikKitailigiamut nunani ununnisani 100 jârini.

Canada suliaKaniattuk sakKititsiluni senanik nutânik sagvatausimajunik nunanik, angilitigiallugit nunait nunanginni ilingajuit Canadami sagvatausimajuni nunait piusitsanginni immaKâ 50%-timik.

kavamak kamalâmmijuk piulimatsigiamik sukkutailinimmut Canadami sagvatausimajuni nunani. Piusiugialet kamagijaulâttut nunani Kaujisannikut, ikajuttigennikut ammalu ilinnianikkut. Ukua piusiugumajut ikajutsitauniakKut nunait sulijumik piusingitut âkKitaukKulugit ilonnâni nunatsuami sagvatausimajuni nunani.

Fevruar 11, 2003-mi, AngajukKâk kenaujaligijini uKasimajuk, Federal kenaujanik 2003-mi, aittuidlutik \$74 million dâlanik ilingajunik tallimanut jârinut aittuigialladlutillu \$29.2 million dâlanik ingiggainianiattilugit kenaujatsanik aulatsigiamut nutânik sagvatausimajunik nunanik ammalu imappimi asikKitailigiamut sakKititausimavut atâni Piusiugumajuit Pannaitauningit.

2003 kavamanga Canadaup SakKititsivuk Nutânik Sagvatausimajunik Nunanik

Federal kavamanga atitâgivuk angiKatigegutimmik sakKititsigiamut sivullipâmik maggonik sagvatausimajonnik nunânnik atâni piusiugumajuit pannaitauninginni – angiKatigegutik kavamanga British Columbia sakKititsigiamut Gulf Kikittanginni Sagvatausimajunik Nunanik Canadami ammalu Inuit Attutaunitsanginnut Ikajuttaugutinillu AngiKatigegutik ilingajuk Inunnut ammalu kavamanga Nunavut sakKititsivuk Ukkusiksalik Sagvatausimajuit Nunait Canadami, sagvatausimajuit nunait sakKititautillugit Banff pigiasittauniammat 1885-mi 41-naulittilugit.

2005 AngiKatigegutik Atitâttavuk SakKititsigiamut Torngait KakKasuanginni Sagvatausimajunik Nunanik

Januar 21, 2005-mi, federal kavamanga atitâgivuk Labradorimi Inuit Sagvatausimajuit Attutaunitsanginnut ammalu Ikajuttaugutet AngiKatigegutinganik Labradorimi Inuit katutjiKatigeningalu, ammalu Kaujitsiutik AngiKatigegutik Sagvatausimajuni Nunani Torngait KakKasuanginni kavamangalu Newfoundland Labradoriullu, ilingattitaugunnaniattilugu sakKititaulluni Canada-mut 42-ngulluni nunak sagvataujuk – Torngait KakKasuanginni Sagvatausimajuk Nunak Canadami – atuttaugiasinialluni ullungani Labradorimi Inuit Nunamik Satusaijet AngiKatigegutingani.